

Al vëgn lascé alsavëi che la jënt de tēmp o en carantena, che adora zacai che vá a ti cumpré medejines o alimēnc, pó telefoné te so Comun de residēnza. Al é jogn y jones dla valada che se mēt a desposiziun da jí a cumpré ite.

SAN MARTIN Y LUNGIARÜ

Ince sciöche ploania inviunse dēr bel dūc da 5 agn insö da jí a se lascé fá le test asvelt antigen COVID-19 incö sabeda y domēnia, 21 y 22 de novēber, dales 8.00 ales 18.00 tl gran salf a San Martin. Tolésse cun os

- la tessera sanitaria,
 - n documēt de reconescimēt (cherta d'identitē)
 - le modul de registraziun (implí fora - ch'i ēis ciáfē o ch'i ciáfēise ince söl post)
 - la scheda informativa (ch'i ēis ciáfē o ch'i ciáfēise ince söl post)
- Chi sot a 18 agn mēss gní acompagná da n genitur.
I jun a se lascé fá le test por nosta sanité y por sconé la sanité di atri.

SAN MARTIN

Les mēsses tl tēmp d'advēt gnará tignides tla forma de "Rorate". Les uniuns che apostēia n Rorate é periades da mēte adöm y porté dant les supliches.

I incundun le Sant Advēt en sabeda sēra dala mēssa pefestia dales 17.30 cun le Rorate dla Musiga, a chēl ch'i sēis bel invia.

LUNGIARÜ

Aste bele ponsé a tūa finestra da Nadé?

I inviun indō dūc da fá sō ōna o deplū finestres por ti dé na bela atmosfera al paisc tl tēmp d'Advēt y da Nadé. Fá ince tō impara, y fá sō na finestra sciöch'al te plej y mēt na picia lōm doia por ch'an la vēighes bel. Dūc adöm podunse indō fá garaté na bela ilominaziun te nosc paisc. De bi salūc da Sara

L'aministrazziun dla Ciasa de Palsa inviēia ia la prozedōra de cerna, fata a usc, por la inciaria de responsabl/a dl'economia dla ciasa (5ª qualifica funziunala).

Recuisic por podēi to pert ala prozedōra de cerna é:

- diplom dla scora mesana o elementara
- diplom dla formaziun trienala dla scora profesionala por l'economia dla ciasa o de frequentaziun ciámó de trēi agn de scora o formaziun profesionala trienala o de formaziun profesionala bienala y implū na spezialisaziun tl setur cun almanco 400 ores de insegnamēt o formaziun ecuivalēnta de teoria y pratica.
- patent B y zertificat de trilinguism B1 (ex C)

Al vëgn ghiré esperiēnza tl ciamp dl'organisaziun dl'economia dla ciasa.

Al pó tō pert aspiranc/antes dl grup linguistich ladin.

La inciaria é a tēmp parzial 50% y a tēmp determiné y pó gní prolungiada.

I formulars ciáfon sot www.ciasadepalsa.it y mēss gní dá jō ti ofizi dla Ciasa de Palsa a San Martin de Tor cina ai 04.12.2020 dales 12.00.

Informaziuns é da ciáfē ti ofizi dla Ciasa de Palsa o por tel. 0474 524 786.



Plata dles Ploanies San Martin y Lungiarü



siur ploan Klaus Sottas 344 15 54 055 - ksottas@rolmail.net
siur curat Heinrich Perathoner 339 65 74 213
redaziun: anton.gasser@rolmail.net - 348 27 44 517 / 0474 523 194

www.valbadiaonline.it/comunita

22.11 - 29.11.20 nr. 52

DOMÈNIA DE CRIST RE - A

Vangele do Matí 25,31-46

Dailò ti dijarà le re a chi a sūa man dērta: Gnide ca, os benedis da mi Pere, tolede le rēgn, che é destiné por os dala creaziun dl monn incà.

Deachi i â fan, y i m'ēis dē da mangé; i â sēi, y i m'ēis dē da bēre; i ē forest y zēnza tēt, y i m'ēis dē alberch; i ē desnū, y i m'ēis visti; i ē amarē, y i sēis gnūs a me ciáfē; i ē te porjun, y i sēis gnūs da mē.

Spo ti respognarà i iūsć: Signur, can t'unse pa odū arfamē y t'un dē da mangé o assetē y t'un dē da bēre? Y can t'unse pa odū forest y zēnza ciása y t'un tut sō, o desnū y t'un visti? Y can t'unse pa odū amarē o te porjun y sun gnūs da tē? Sōn chēra ti respognarà le re: Amen, i ves diji: Vigni ota ch'i ēis fat chēstes cosses ince mā a un su de chisc mi mēndri fredesc, les ēise fat a mé.



Le Re ne dijarà nia "I ciáfēis le rēgn, deach'i sēis jūs la domēnia a mēssa." S'á mo Gejú desmentié da dí chēsc?

Sintiunse la mēssa sciöche n dovēi y s'unse desmentié che l'eucaristia y les funziuns sacres n'é nia n sorvisc che nos ti fajun a Idī, mo che ēl nes fej a nos? Al nes chērda adöm, por ch'i podunse aldí sūa parora, sintí sūa presēnza, ciáfē aiūt y forza por la vita - y nos podun le laldé, le perie y ti dí dīlan. Le jí a dljia n'é porchēl nia n sorvisc a Chēl Bel Dī, mo na sūa scincunda a nos, y le Signur ó dessigū ch'i l'azetunse y junse a mēssa.

Le sorvisc che Chēl Bel Dī ó da nos é dōt n ater. Le vangele da incö baia tler: Socodí i amará, pascenté i arfamá, s'un tó sura di tralasciá

Sorví la jënt é le dēr sorvisc a Idī, "deache vigni ota ch'i ēis fat chēstes cosses ince mā a un su de chisc mi mēndri fredesc, les ēise fat a mé."

Sc'i toli Gejú söl sciode m'intēni tres deplū, che tla oraziun y ti sacramēnc pōi ciáfē orientamēt, forza y aiūt, mo che le sorvisc, che ēl ó da me, stá dantadōt tl alisiré la meseria y la soferēnza dla jënt. (J.S.)

EDEMA LITURGICA	SAN MARTIN	LUNGIARÜ	 Ai 22 de novëmbër recordunse santa Zuzanna, martira dl 3° secul, patrona dla musiga sacra. Ince sc'i ne sciafiun nia da veneré chësta santa cun solenité sciöche i agn passá, ti dijunse impó dilan a düc dl impëgn volotar, dla desponibilité, dla lezitënza, dl entusiasim, dles facultés y di talënc metüs a sorvise dla musiga de dljia. Cun le cianté y le soné ti él gnü scinché ligrëza, forza y orientamënt a tröpa jënt. Ciantan y sonan vëgnel testimonie y aprofondí la fede y incundé la parora de Dî cun la richëza y l'armonia dles usc y di sonns. Y na gran forza ciafa le cianté canche dōta la comunité s'unësc te öna na usc a cianté le lalt de Dî sciöche la prefaziun inviëia tres danü. Pro la musiga sacra alda ince i bi gragn orghi ch'i un tles dljies da San Martin y da Lungiarü, che n'acompagnëia nia ma le cianté mo che implësc fora momënc de oraziun, de devoziun, de ligrëza y ince de tristëza. Al foss dër bel sc'i stessun te dljia ala fin cina che l'orghe á rové da soné süa pert de conclujiun dla mëssa dla domënia o dla festa. Al foss n pice sëgn de respet y de dilan por tan tröp che nes vëgn scinché.
22.11.20 DOMËNIA DE CRIST RE <i>Festa de Santa Zuzanna</i>	9.00 Corona d'otober 9.30 Mëssa solëna por la Comunité en onur de Crist Re en onur de Santa Zuzanna por chi che assistësc i püri y i sconsolá	7.55 Corona 8.15 Mëssa solëna por la Comunité a d'intenziun en onú de S.Ojöp Frein.	
23.11.20 Lönesc <i>Clemens, Columban, Felizita</i>			
24.11.20 Dedolönesc <i>André Dung-Lac y Compagns, Flora</i>	19.00 Mëssa ++ Zilia y Hermann Prousch ++ Franz y Maria Bioc		
25.11.20 Dedemesaledema <i>Catarina d'Alessandria</i>	15.00 Mëssa a Picolin fam. Pepi y Rosamunde Videsott + Moritz Castlunger ++ Sepl y Dorotea Gasser	7.30 Mëssa + Emma Macrones vis y def. fam. Pio y Emma Clara	
26.11.20 Jöbia <i>Conrad, Sebald, Ida</i>	7.30 Mëssa ++ Pedevilla, Ju + Sepl Flöss d'Arzó Corona por vocaziuns		
27.11.20 Vëndres <i>Virgile, Oda</i>	18.30 Adoraziun chîta 19.00 Adoraziun deboriada	7.30 Mëssa + Roslinda Dejacó Clara + Luca Schuen	
28.11.20 Sabeda <i>Berta, Silvan</i>	17.30 Mëssa prefestia/Rorate y benedisciun dles gherlandes d'Advënt Rorate dla Uniun dla Musiga	19.00 Mëssa prefestia y benedisciun dles gherlandes d'Advënt + Ida Clara Verginer + Tarina Ferdigg Moling de Gröpa + Paul Daporta, Grones ++ Fonjo y Ida Pezzei	
29.11.20 PRÖMA DOMËNIA D'ADVËNT - B <i>Domënia dla Dljia te ciasa</i> <i>dales 19.00 sona les ciampanes</i>	9.00 Corona d'otober 9.30 Gran Mëssa por la Comunité y benedisciun dles gherlandes d'Advënt dl ann + Emma Conrater +++ Sabina, Sepl y Milio Flöss 19.00 Devoziun d'Advënt te ciasa	7.55 Corona 8.15 Gran Mëssa por la Comunité y benedisciun dles gherlandes d'Advënt + siur Heinrich Videsott 19.00 Devoziun d'Advënt te ciasa	